



RAPORT VJETOR

2023

IKMT

weebbsite: www.ikmt.gov.al

Tel: 04 222 39 33

Adresa: Rr. "Muhamet Gjollësia", pranë
Fakultetit të Inxhinierisë së Ndërtimit

Taulant Balla
Ministër i Brendshëm

“Ka filluar arkëtimi i të ardhurave, që burojnë nga procesi i ndëshkimit të abuzuesve me ndërtimet pa leje ose jashtë lejeve të ndërtimit. Për 9 objekte do të arkëtohen si të ardhura në buxhetin e shtetit 10.5 milionë euro.”

(Marrë nga Analiza vjetore e Ministrisë së Brendshme)

Hyrje

Misioni

Misioni i Inspektoratit Kombëtar të Mbrojtjes së Territorit është ruajtja dhe siguria e ndërtimeve në Republikën e Shqipërisë, duke siguruar respektimin e normave, standardeve, kushteve zhvillimore dhe legjislacionin në fushën e planifikimit dhe zhvillimit të territorit, në fushën e mjedisit, pyjeve, burimeve ujore dhe produkteve të ndërtimit, bazuar në parimin e zhvillimit të qëndrueshëm të territorit, të decentralizmit dhe subsidiaritetit në bazë të ndarjes administrative.

Vizioni

Inspektorati Kombëtar i Mbrojtjes së Territorit punon për të mbrojtur çdo hapësirë të çmuar të vendit tonë, për të krijuar një mjedis të qëndrueshëm dhe të sigurt.

Historiku

Inspektorati Kombëtar i Mbrojtjes së Territorit është institucion qendror buxhetor publik, me statusin e personit juridik, në varësi të Ministrisë së Brendshme. Inspektorati Kombëtar i Mbrojtjes së Territorit drejtohet nga Kryeinspektori, i cili emërohet nga Kryeministri, me propozimin e ministrit përgjegjës për ruajtjen dhe sigurinë e territorit dhe ndërtimeve.

Me ristrukturimin e IKMT-së në përputhje me ndryshimet e VKM, nr. 604, datë 20.10.2021 "Për përcaktimin e fushës së përgjegjësisë shtetërore të Ministrisë së Brendshme " e ndryshuar, është shtuar fusha e përgjegjësisë së saj në *“parandalimin, mbrojtjen, mbikëqyrjen dhe kontrollin e zbatimit të legjislacionit në fuqi për mbrojtjen e tokës, ajrit, ujërave dhe pyjeve nga ndotje, dëmtime apo ndërhyrje të kundërligjshme të çfarëdo lloji”*. Inspektorati Kombëtar i Mbrojtjes së Territorit është tashmë i strukturuar me drejtoritë përkatëse të tij në çdo qark të vendit dhe synon të shtrijë dhe të këtë një ndikim

më të madh në territor me qëllim parandalimin dhe minimizimin e ndërtimeve pa leje në territor, parandalimin dhe kontrolli i mjedisit dhe pyjeve nga veprime të kundërligjshme dhe rritja e ndërgjegjësimit për një mjedis më të pastër në interes të të gjithëve.

Baza ligjore me të cilën operon Inspektorati Kombëtar i Mbrojtjes së Territorit, është:

- Ligji Nr. 9780 datë 16.07.2007 "Për Inspektimin dhe Mbrojtjen e Territorit nga Ndërtimet e Kunderligjshme", i ndryshuar;
- VKM Nr. 893, datë 4.11.2015 "Për Organizimin dhe Funksionimin e Inspektoratit Kombëtar të Mbrojtjes së Territorit", i ndryshuar;
- VKM Nr. 894, datë 4.11.2015 "Për Unifikimin e Procedurave të Kontrollit të Territorit nga Inspektorati Kombëtar të Mbrojtjes së Territorit e ai Vendor";
- Ligji 107/2014 "Për Planifikimin dhe Zhvillimin e territorit", i ndryshuar;
- VKM Nr. 408, datë 13.05.2015 "Për Miratimin e Rregullores së Zhvillimit të Territorit", i ndryshuar;
- Ligji Nr. 8402, datë 10.09.1998, "Për Kontrollin dhe Disiplinimin e Punimeve të Ndërtimit", i ndryshuar;
- Ligji Nr. 9290, datë 07.10.2004, "Për Produktet e Ndërtimit", i ndryshuar;
- Ligj Nr. 111/2012 "Për Menaxhimin e Integruar të Burimeve Ujore", i ndryshuar,
- Ligji Nr.10431, datë 9.6.2011, " Për mbrojtjen e Mjedisit", i ndryshuar;
- Ligji 57/2020 "Për Pyjet";
- Ligjit 10463 datë 22.09.2011 " Për menaxhimin e integruar të mbetjeve "i ndryshuar;
- Ligjit 9115 datë 24.07.2003 " Për trajtimin e ujërave të ndotur";
- Ligji nr.8906 , datë 06.06.2002 " Për zonat e mbrojtura " i ndryshuar;
- VKM nr 798 datë 29.09.2010 "Për miratimin e rregullores " Për administrimin e mbetjeve spitalore ".
- Ligji 61/2016 " Për Shpalljen e Moratoriumit të Gjjetisë";
- V.K.M 438, datë 08.06.2016 " Për kriteret dhe rregullat e shfrytëzimit të pyjeve dhe të shitjes së materialit drusor e prodhimeve të tjera pyjore dhe jopyjore "
- Udhëzimit Nr.2, datë 03.03.2017 " Për kërkesa teknike të caktimit të ngastrës dhe grup ngastrave dhe ekonomive pyjore për trajtime me prerje rigjeneruese, rregullat për vjeljen e materialit drusor me qëllim sigurimin e druve të zjarrit për ngrohje "
- Ligji 9693, datë 19.03.2007 " Për Fondin Kullosor " etj.

IKMT kryen veprimtarinë e saj edhe në bazë të objektivave të vëna në funksion të procesit të qeverisjes qendrore, në drejtim të realizimit të punëve me interes publik dhe çështjeve me rëndësi kombëtare.

Veprimtaria inspektuese e IKMT-së për vitin 2023

Raporti përmbyllës i vitit 2023 përmban të dhënat mbi veprimtarinë inspektuese të Inspektoratit Kombëtar të Mbrojtjes së Territorit për vitin 2023, përfshirë dhe drejtoritë rajonale.

Inspektimet konsistojnë në përmbushjen e detyrimeve ligjore që rrjedhin nga ligji Nr. 9780, datë 16.07.2007 “Për Inspektimin dhe Mbrojtjen e Territorit nga Ndërtimet e Kundraligjshme” i ndryshuar, Vendimi i Këshillit të Ministrave Nr.893, datë 4.11.2015 “Për organizimin dhe Funksionimin e Inspektoratit Kombëtar të Mbrojtjes së Territorit”, i ndryshuar, Vendimi i Këshillit të Ministrave Nr.894, datë 4.11.2015 “Për Unifikimin e Proçedurave të Kontrollit të Territorit nga Inspektorati Kombëtar i Mbrojtjes së Territorit dhe ai i Njesisë Vendore”, si edhe veprimtaria inspektuese nga përgjegjësitë e shtuara në fushën e mjedisit, ujërave dhe pyjeve në përputhje me legjislacionin sektorial.

Detyrat dhe Përgjegjësitë e IKMT-së

1. Në përputhje me nenin 9 të ligjit nr. 9780, date 16.7.2007 “Për inspektimin dhe mbrojtjen e territorit nga ndërtimet e kundërligjshme”, të ndryshuar, Inspektorati Kombëtar i Mbrojtjes së Territorit, nëpërmjet Kryeinspektorit dhe inspektorëve, ushtron këto përgjegjësi;
 - a) ushtron përgjegjësitë e veta në nivel njësie vendore drejtpërdrejt dhe pa asnjë kufizim për ndërtimet/punimet që lidhen me çështje, zona ose objekte me rëndësi kombëtare dhe në territor; (Zonat dhe objektet me rëndësi kombëtare dhe në territor, në kuptim të këtij ligji, janë zonat që kanë përparësi zhvillimin e turizmit, monumentet e kulturës, qendrat historike, parqet dhe zonat arkeologjike, pyjet dhe zonat e mbrojtura natyrore, monumentet natyrore, përfshirë zonat me karakteristika unike gjeografike, zonat me rrezik natyror, rrjetet ekologjike, burimet minerare e natyrore dhe rrjetet, komplekset dhe parqet industriale, rrugët kombëtare, linjat hekurudhore dhe infrastruktura ndihmëse, instalimet e infrastrukturës kombëtare, sektori i energjisë dhe komunikimit elektronik, aeroportet, portet e rrugët detare, zhvillimet në zonat ushtarake, vija bregdetare, brigjet dhe burimet ujore, lagunat, lumenjtë, liqenet, digat e dambat, tokat bujqësore, spitalet publike, objektet dhe terrenet sportive, si dhe ato të përcaktuara me vendim të Këshillit Kombëtar të Territorit e me akte nënligjore ose ligje të tjera)
 - b) kontrollon zbatimin e dispozitave të këtij ligji nga Inspektorati i Mbrojtjes së Territorit të njësisë në nivel të qeverisjes vendore;
 - c) kontrollon zbatimin e dispozitave ligjore në fushën e menaxhimit të integruar të burimeve ujore dhe merr masat përkatëse, sipas dispozitave ligjore përkatëse në fuqi;
 - ç) kontrollon përmbushjen e kërkesave ligjore për materialet dhe produktet e ndërtimit që hidhen në treg dhe merr masat përkatëse sipas dispozitave ligjore përkatëse në fuqi;

d) kontrollon përmbushjen e kërkesave ligjore për shfrytëzimin e karrierave të nxjerrjes së materialeve të ndërtimit dhe për pusët e ujit dhe merr masat përkatëse sipas dispozitave ligjore përkatëse në fuqi;

dh) ushtron përgjegjësitë e parashikuara shprehimisht në ligje të tjera.

2. Në përputhje me VKM nr. 502, datë 13.09.2017 "Për përcaktimin e fushës së përgjegjësisë shtetërore të Ministrisë së Brendshme" e ndryshuar, duke shtuar në fushat e përgjegjësisë së saj *“parandalimin, mbrojtjen, mbikëqyrjen dhe kontrollin e zbatimit të legjislacionit në fuqi për mbrojtjen e tokës, ajrit, ujërave dhe pyjeve nga ndotje, dëmtime apo ndërhyrje të kundërligjshme të çfarëdo lloji”*.

Qëllimi

1. Rritja e performancës në drejtim të mbrojtjes së territorit nga ndërtimet e kundërligjshme dhe në fusha të tjera inspektuese të mjedisit, pyjeve dhe ujërave;
2. Mbikëqyrja e zonave me qëllim parandalimin e punimeve/ndërtimeve të paligjshme, kryesisht në zonat e mbrojtura, të infrastrukturës publike, zonave bregdetare dhe liqenore etj;
3. Realizimi me korrektësi të inspektimeve sipas përcaktimeve të akteve ligjore dhe nën/ligjore dhe programeve të miratuara në nivel qendror edhe në fushën e shtuar të përgjegjësisë të IKMT-së;
4. Mundësimin e zgjidhjeve sa më efikase për të shmangur sa më shumë pasojat e zhvillimeve të paligjshme në territor;
5. Dhënia dhe përpunimi i informacionit në kohë sa më të saktë për vendimmarrësit.
6. Mbikëqyrja me instrumentat që disponohet sipas strukturës së miratuar, për kryerjen e inspektimeve me korrektësi.

Struktura dhe funksioni

IKMT ka Drejtorinë qendrore në Tiranë dhe shtrin juridiksionin territorial nëpërmjet Drejtorive rajonale në të gjitha qarqet e vendit.

IKMT drejtohet nga Kryeinspektori, i mbështetur nga zv. Kryeinspektori, dhe ka në përbërje të tij këto drejtori:

- **Drejtoria e Inspektimit të Territorit dhe Planifikimit**, është përgjegjëse për zbatimin e ligjshmërisë në respektimin e normave dhe standarteve në fushën e planifikimit, zhvillimit, mbrojtjes së territorit e disiplinimit të punimeve në ndërtim, menaxhimit të integruar të burimeve ujore, mbikëqyrjen dhe kontrollin ndaj inspektorateve të Inspektoratit të Mbrojtjes së Territorit në nivel qarku, inspektimin e materialeve dhe produkteve të ndërtimit që hidhen në treg, inspektimin e shfrytëzimit të karrierave të nxjerrjes së materialeve të ndërtimit;

- **Drejtoria e Inspektimit të Mjedisit dhe Ujërave**, përgjegjëse për zbatimin e ligjshmërisë në respektimin e normave dhe standarteve në fushën e planifikimit, zhvillimit, mbrojtjes së mjedisit dhe burimeve ujore, menaxhimit të integruar të burimeve ujore, mbikqyrjen dhe kontrollin e shfrytëzimit të karriera të nxjerrjes së materialeve të ndërtimit dhe për puset e ujit.
- **Drejtoria e Inspektimit të Pyjeve**, mbulon veprimtarinë për ushtrimin e përgjegjësisë të inspektimit dhe zbatimin e ligjshmërisë në këto drejtime kryesore: Të garantojë mbrojtjen dhe sigurinë e pyjeve përmes parandalimit, zbulimit dhe hetimit të veprave penale kundër pyjeve dhe procedimit pyjor të autorëve të tyre në përputhje me parashikimet e legjislacionit penal. Bashkëpunon me strukturat përgjegjëse për kontrollin në pyje sipas ligjit përkatës dhe mbështesin ato sipas kërkesës dhe nevojës.
- **Drejtoria e Informacionit dhe Kontrollit të të Dhënave dhe Marrëdhënieve me Publikun** është përgjegjëse për mbarëvajtjen e veprimtarisë së institucionit si dhe të grumbullimit, përpunimit dhe koordinimit të veprimtarisë së aktivitetit të këtij institucioni me institucione të tjera ligjzbatuese e konstatuese. Mbledh informacion në mënyrë të vazhdueshme nga të gjitha drejtoritë e tjera dhe prodhon raporte periodike në mbështetje të analizës së plotë të punës së IKMT-së, ofron informacion për publikun dhe institucione të tjera publike apo të huaja sipas kërkesave të marra. Mbështet politikat/ aktivitetet sensibilizuese të IKMT-së për mbrojtjen e mjedisit dhe territorit.
- **Drejtoria e Inspektimit Juridik**, ka mision të rregullojë dhe të kryejë të gjithë veprimtarinë juridike dhe legjislative në përputhje me dispozitat ligjore në fuqi, përmirësimin e kuadrit ligjor përkatës si edhe përfaqësimin juridik të institucionit në proçese gjyqësore dhe marrëdhënie me të tretët;
- **Drejtoria e Zbatimit të Vendimeve**, përgjegjëse për organizimin në aspektin praktik të ndërhyrjeve në terren, për zbatimin e vendimeve të IKMT me objekt; pezullimin e punimeve të ndërtimit, prishjen e ndërtimeve të paligjshme, sekuestrimin e mjeteve të punës dhe makinerive etj.
- **Drejtoria e Financës dhe Shërbimeve Mbështetëse**, përgjegjëse për mbarëvajtjen e veprimtarisë së institucionit në aspektin administrativ dhe financiar.
- **Drejtoritë rajonale të IKMT-së** e ushtrojnë veprimtarinë e tyre në territorin rajonal përkatës dhe janë përgjegjëse për inspektimin në atë rajon.




Fig.1 Organigrama e IKMT-së

1. VENDIMET E MBAJTURA

1.1 Informacion mbi vendimet e mbajtura nga Inspektorati Kombëtar i Mbrojtjes së Territorit

Gjatë vitit 2023, IKMT-ja ka mbajtur këto vendime:

- **184 vendime** për “Prishje Objekti të Kundërligjshëm” dhe “Pezullimin e Punimeve në Ndërtim”
- **123 vendime** për “Dënim me gjobë” të vëna në fushën e ndërtimeve pa leje.
- **2 vendime** për “Dënim me gjobë” të vëna mbi zbatimin e ligjshmërisë tek produktet e ndërtimit/burimet ujore
- **23 vendime** për “Dënim me gjobë” të vëna ndaj kryeinspektorëve/inspektorëve pranë IMT-ve të bashkive për veprime/mosveprimet e tyre
- **107 vendime** për “Dënim me gjobë” të vëna në fushën e mjedisit, ujërave dhe pyjeve




Fig. 2: Paraqitja grafike e vendimeve të marra nga IKMT – ja, për vitin 2023

2. INSPEKTIMET E REALIZUARA

Inspektorati Kombëtar i Mbrojtjes së Territorit dhe drejtoritë rajonale, kanë qenë të angazhuara në të gjithë territorin e vendit për kryerjen e kontrollove dhe inspektimeve sipas fushës së përgjegjësisë dhe kuadrit ligjor.

- Janë kryer gjithsej 3344 **inspektime**




Fig. 3: Vijueshmëria e inspektimeve të realizuara nga IKMT (përfshirë drejtoritë rajonale), për vitin 2023

Burimi: IKMT




Fig.4 Grafiku i inspektimeve për vitet 2022-2023 Burimi: IKMT

2.1 Informacion mbi korrespondencën zyrtare

Inspektorati Kombëtar i Mbrojtjes së Territorit ka vijuar procedurat dhe veprimtarinë e tij administrative në përputhje me kuadrin ligjor, si rezultat kemi:

- Është kryer trajtimi shkresor i **3679 ankesave/shkresave** (këto të reja dhe në vazhdim), për kthimin e përgjigjeve të ankesave/kërkesave të paraqitura si dhe vënien në dispozicion të informacionit për institucione dhe individëve kërkuar.
- Nga **Platforma e Bashkëqeverisjes, “Shqipëria që duam”** janë trajtuar **38 ankesa** në total.




Fig. 5 Ankesa/ shkresa dhe Platforma “Shqipëria që duam” Burimi: IKMT

3. PUNA E REALIZUAR NGA DREJTORITË RAJONALE TË IKMT – SË

Bazuar në informacionin e dërguar nga Drejtoritë Rajonale të Inspektoratit Kombëtar të Mbrojtjes së Territorit, janë realizuar gjithsej **2838 inspektime**, ku:

- **849** Inspektime janë realizuar në Fushën e Mjedisit dhe Burimeve Ujore.
- **987** Inspektime janë realizuar në Fushën e Ndërtimit.
- **1001** Inspektime janë realizuar në Pyje.

Nga Drejtoritë Rajonale të IKMT – së, është kryer trajtimi shkresor i **1496 ankesave/shkresave** (këto të reja dhe në vazhdim), për kthimin e përgjigjeve të ankesave/kërkesave të paraqitura si dhe vënien në dispozicion të informacionit për institucione dhe individëve kërkuar. Nga paraqitja grafike vëhet re një rënie të numrit të shkresave për vitin 2023.




Fig. 6 Grafiku i shkresave/ankesave nga DRIKMT Burimi: DRIKMT

4. PUNË TË REALIZUARA NË VIJËN BREGDETARE

Operacioni “**Bregdeti ynë**” i ndërmarrë nga IKMT në bashkëpunim me Policinë e Shtetit ka në fokus të tij lirim të hapësirave publike, të zaptuara pa leje nga pronarë subjektsh që operojnë përgjatë vijës bregdetare në vendin tonë.

Në kuadër të këtij aksioni janë kryer inspektime në terren në të gjitha stukturat e ngritura përgjatë bregdetit, në total janë kryer **432** inspektime.

Prishje të objekteve në bregdet, të cilat rezultojnë të jenë gjithsej **28** objekte të madhësive të ndryshme. Nga këto në qarkun Vlorë janë prishur **22** objekte, në qarkun e Durrësit **5** objekte dhe në qarkun e Lezhës është prishur **1** objekt.




Figura 7. Të dhënat nga aksioni “Bregdeti Ynë” Burimi: IKMT

5. PROJEKTE MADHORE INFRASTRUKTURE

5.1 Punë të realizuara për projektet infrastrukturore:

Përveç inspektimeve të realizuara në territor, në përputhje me përcaktimet ligjore sipas fushës së vet të përgjegjësisë, Inspektorati Kombëtar i Mbrojtjes së Territorit ka ndërmarrë veprime në kuadër të zbatimit të projekteve madhore të Qeverisë Shqiptare, në projektet që janë cilësuar më poshtë:

A. Projekti Infrastrukturor “Unaza e madhe e Tiranës, Sheshi Shqiponja –Bulevardi i Ri Shkozë:

Objekte/ndërtime të prishura për projektin infrastrukturor "Unaza e Madhe e Tiranës", në bashkinë Tiranë, gjithsej **238** (dyqind e tridhjetë e tetë).

Aktualisht, vazhdon puna nëpërmjet një sfide të re për shembjen e objekteve të ngritura në shkelje flagrante të ligjit, të cilët pengojnë zhvillimin e mëtejshëm të kësaj vepre të madhe infrastrukturore.

B. Realizimi i projekteve kombëtare

Në kuadër të realizimit të projektit “Rehabilitimi i Lumit Gjanica”, “Rikonceptimi i Qendrës së qytetit” dhe “Ndërtimi i stadiumit të lojërave me dorë”, (faza II), bashkia Fier u prishën **3** objekte.

6. RINDËRTIMI

Tërmeti tragjik i 26 nëntorit 2019 ishte tërmeti më i fortë i rënë në 40 vitet e fundit në vend, i cili dëmtoi 1,465 ndërtesa në Tiranë, si dhe rreth 965 ndërtesa në Durrës. Inspektorati Kombëtar i Mbrojtjes së Territorit është angazhuar për prishjen e objekteve që çenojnë jetën e banorëve dhe ndërtesave përreth, në zonat e prekura. Edhe pas 4 vitesh angazhimi institucional ka vijuar konstant, për të qenë në mbështetje të procesit të rindërtimit në këto territore.

Gjatë periudhës së këtij raportimi 2023, nga ana e Inspektoratit Kombëtar të Territorit janë prishur gjithsej 2 objekte.




Figura 8 Të dhëna mbi prishjet e objekteve të dëmtuara nga tërmeti i 26 nëntorit, në kuadër të procesit të rindërtimit Burimi: IKMT

7. Objekte/ndërtime të prishura, të cilat janë shpronësuar me Vendimin e Këshillit të Ministrave për vitin 2023




Figura 9 Objekte të prishura me VKM për vitin 2023
Burimi: IKMT

7.1 Prishjet në total të realizuara nga IKMT – ja, gjatë vitit 2023




Fig.10 Paraqitja grafike e prishjeve në total, viti 2023
Burimi: IKMT

8. INSPEKTIMI I MJEDISIT DHE UJËRAVE

Sa i takon zbatueshmërisë së legjislacionit në fuqi për mbrojtjen e mjedisit dhe ujërave, inspektimet e ushtruara nga drejtoria përkatëse kanë për qëllim kryesisht:

- Zbatueshmëria e legjislacionit në fuqi sa i takon ligjit 10448 “Për lejet e mjedisit”, me qëllim parandalimin e ushtrimit të aktivitetit nga subjektet pa leje mjedisore përkatëse apo në shkelje të kushteve të lejes mjedisore. Njëkohësisht zbatueshmëria e ligjit 111/2012 ‘Për menaxhimin e integruar të burimeve ujore’ për të parandaluar shfrytëzimin e burimeve ujore pa leje përkatëse nga institucioni kompetent apo në kundërshtim me kushtet e lejes që subjekti disponon. Njëkohësisht mbrojtjen e mjedisit nga dëmi që mund të vijë si pasojë e ushtrimit të aktivitetit nga subjektet që paraqesin rrezikshmëri të mundshme ndotjes të tokës, ujit apo ajrit, si dhe nga aktiviteti i subjekteve që ushtrojnë veprimtarinë e tyre në industrinë nxjerrëse (përfshirë atë minerare si dhe nëntokësore apo në qiell të hapur) me qëllim zbatimin e ligjit 10463 “Për menaxhimin e integruar të mbetjeve”. Synimi primar mbetet gjithnjë parandalimi dhe ndëshkimi i subjekteve që çenojnë në mënyrë të drejtpërdrejtë apo të tërthortë mjedisin, ajrin apo burimet ujore.

Gjithashtu, gjatë vitit 2023, nga Drejtoria e Inspektimit të Mjedisit dhe Ujërave janë mbajtur **107** masa administrative vendime “Dënim me gjobë”.

9. INSPEKTIMI I PYJEVE

Inspektorati Kombëtar i Mbrojtjes së Territorit është fokusuar në zbatimin e ligjshmërisë në fondin pyjor, kullosor, mbrojtjen e pyjeve nga dëmtimet, prerjet, zëniet e përdorimet e paligjshme të fondit pyjor e kullosor, zjarret, mbrojtjen e faunës së egër, zbatimin e moratoriumit në gjueti, pyje dhe bimëve medicinale etanifere.

- Pranë Drejtorisë së Inspektimit të Pyjeve është bërë në vazhdimësi grumbullimi, përpunimi dhe analiza e plotë e të dhënave për të gjithë aktivitetet e kundravajtjeve në pyje, kullota e në gjueti në nivel qarku e rang kombëtar. Raportet e analizës së të dhënave janë përpunuar dhe janë dërguar në Kryeministri, ministri dhe institucionet e tjera të përfshira në proces.

- Nga grupet e Inspektimit të Drejtorisë së Inspektimit të Pyjeve janë ushtruar kontrole në Drejtoritë Rajonale të IKMT-ve ku në raportet e hartuara është bërë vlerësimi i situatës dhe rakordimet e nevojshme për zgjidhjen e problemeve.
- Janë verifikuar ankesa të ardhura nga qytetarë, protokolluar pranë institucionit tonë si dhe ankesa të ardhura në portalet qeveritare që kanë lidhje me shkeljen në pyje, kullota, gjueti etj.
- Në zbatim të Udhëzimit Nr.161, datë 23.06.2020, të Ministrit të Brendshëm, “Për procedurat e veprimit të përbashkët të Inspektoratit Kombëtar të Mbrojtjes së Territorit me Policinë e Shtetit”, për kontrollin e transportit të paligjshëm të materialit drusor si dhe janë ngritur në bashkëpunim postobloqe fikse e të lëvizshme.
- Për periudhën janar-dhjetor 2023, janë kryer **1001** inspektime në rang kombëtar.




Fig.13 Inspektimet në rang kombëtar, 2023

Zjarret dhe emergjencat

Janë konstatuar 2 raste zjarresh. Nga zjarret e rëna, një zjarr është raportuar në Gjirokastrë.

- Në zbatim të moratoriumit të gjuetisë dhe ligjit për mbrojtjen e faunës së egër janë ngritur grupe inspektimi për kontrollin e tregtimit të mishit të egër dhe mbajtjen e kafshëve të egra në kaptivitet.

Në qarqe rezultojnë se ushtrojnë aktivitetin e manipulimit dhe shitjes së materialit drusor si më poshtë:

	Drejtori Rajonale	Numri i subjekteve
1.	Tiranë	1 subjekt
2.	Dibër	2 subjekte
3.	Lezhë	6 subjekte
4.	Vlorë	1 subjekte
5.	Fier	2 subjekte

Fig. 14 Të dhënat nga drejtoritë rajonale mbi subjektet që ushtrojnë aktivitet të paligjshëm

10. Bashkëpunimi ndërinstitucional:

Inspektorati Kombëtar i Mbrojtjes së Territorit ka forcuar bashkëpunimin me Policinë e Shtetit në interes të përmbushjes së përgjegjësisë së saj, për mbrojtjen e mjedisit kundër krimeve mjedisore nëpërmjet udhëzimit të Ministrit të Brendshëm, nr.161, datë 23.06.2020 " Për procedurat e veprimit të përbashkët të Inspektoratit Kombëtar të Mbrojtjes së Territorit me Policinë e Shtetit".

- Në bazë të urdhërit të përbashkët (Ndërinstitucional) Nr. 1727, datë 26.11.2021 për "Ngritjen e grupit të punës për hartimin e projektit teknik dhe dokumentacion të nevojshëm për vijimin e procedurave të realizimi të projektit të monitormit të territorit me teknologji të avancuar" IKMT, ka marrë pjesë në hartimin e projektit teknik për mundësitë e përdorimit të informacionit satelitor për të përmirësuar cilësinë e shërbimeve dhe kontrollin e territorit.
- Për periudhën janar – korrik janë kryer 72 inspektime në bashkëpunim me Policinë e Shtetit.

11. Sekuestrimet e mjeteve që kanë shërbyer për kundërvajtje mjedis dhe pyje (kamionë, eskavatorë etj)




Fig.15 Të dhëna mbi sekuestrimin e mjeteve
Burimi: IKMT

12. Kallëzime penale

IKMT duhet të garantojë parandalimin e çdo forme ndërtimi pa leje, mbrojtjen e mjedisit nga çdo lloj ndotësi dhe mbrojtjen e pyjeve nga shkelësit e ligjit dhe mbi të gjitha ndëshkim penal të kundërvajtësve. Për periudhën janar – dhjetor 2023 janë dërguar:

- 59 kallëzime penale

SFIDAT DHE PRITSHMËRITË:

Inspektorati Kombëtar i Mbrojtjes së Territorit është një institucion me një histori të gjatë shifrash dhe aksionesh në parandalimin e ndërtimeve pa leje dhe në çlirimin e hapësirave publike.

KONFISKIMI:

- Procesi i konfiskimit për strehim social apo interes publik, të objekteve të ndërtuara pa leje për qëllim fitimi, vjen si një proces i ri për Inspektoratin Kombëtar të Mbrojtjes së Territorit, i cili po vijon me intensitet të plotë. IKMT-ja është hallkë e rëndësishme e këtij procesi për identifikimin dhe dërgimin e dokumentacionit përkatës të objekteve pa leje, sipas përcaktimeve ligjore pranë AZHT-së në cilësinë sekretariatit teknik të KKT-së.

VIJA BREGDETARE:

Evidentimi, procedimi dhe prishja e ndërtimeve pa leje/ me leje (pas trajtimit sipas legjislacionit) konkretisht:

- Në zona të brezit të zhvillimit të kontrolluar dhe zonave me përparësi të turizmit.
- Ndërhyrja ndaj ndërtimeve pengesë për zhvillimet e projekteve me interes publik.

KRIMI MJEDISOR:

- Mbrojtja e territorit nga krimi mjedisor është një sfidë e vazhdueshme për institucionin tonë ku përveç ndëshkimit me masë administrative të subjekteve vazhdon bashkëpunimi për procedimin penal të këtyre kundërvajtësve. IKMT ka hartuar një plan –veprimi të detajuar për çlirimin e hapësirave publike, i cili do të vazhdojë me intensitet të lartë dhe gjatë vitit 2024.
- Kontrolli dhe mbrojtja e territorit është prioriteti më i madh për IKMT-në.
- Nuk mund të kemi një zhvillim të qëndrueshëm ekonomik dhe social nëse ndërtojmë pa kriter. Kryefjala e ditës: Tolerancë zero ndaj krimit mjedisor.

DIGJITALIZIMI:

- Nje qasje me e madhe me digjitalizimin dhe informatizimin e shërbimeve online, për kontrollin më të detajuar të territorit të vendit, në parandalimin e ndërtimeve pa leje dhe çlirimin e hapësirave publike të zaptuara në kundërshtim me legjislacionin në fuqi.
- Bashkëpunimi i ngushtë: Trinomi: IKMT, Polici e Shtetit dhe qytetar.